

**UNIVERZITET U SARAJEVU  
POLJOPRIVREDNO-PREHRAMBENI FAKULTET**

Broj: 01-1-1551-3/18  
Sarajevo, 01.10.2018. godine

Na osnovu člana 64. Stav (1) Tačka b), člana 70. Stav 1, 3 i 6. Zakona o javnim nabavkama („Službeni glasnik BiH“ broj: 39/14), člana 95 Statuta Univerziteta, te na osnovu preporuke Komisije za javne nabavke, a po provedenom postupku za nabavku roba putem konkurentskog zahtjeva, dekan Fakulteta, donosi

**O D L U K U  
O IZBORU NAJPOVOLJNIJEG PONUĐAČA**

**Član 1**

Prihvata se preporuka Komisije za javne nabavke, te se ugovor za nabavku roba „*Kancelarijskog i potrošnog materijala, toneri, ketridži, riboni*“ dodjeljuje ponuđaču „**NV-INVEST**“ d.o.o. Sarajevo koji je dostavio ponudu broj: 01-09/18 od 10.09.2018. godine u kojoj je ponudena ukupna cijena od **16.745,00 KM bez PDV-a**

**Član 2**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Član 3**

Ova odluka objavit će se na web-stranici ugovornog organa ([www.ppf.unsa.ba](http://www.ppf.unsa.ba)) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01-1-867/18 od 07.05.2018. godine. Postupak javne nabavke proveden je putem konkurentskog zahtjeva za koji je objavljeno obavještenje o nabavci broj: 1365-7-1-133-3-9/18 na Portalu javnih nabavki dana 31.08.2018. godine.

Sa portala Agencije za javne nabavke tendersku dokumentaciju je preuzelo šesnaest ponuđača. U određenom roku za dostavljanje ponuda na protokol ugovornog organa zaprimljena su 2 (dvije) ponude i to: NORIN d.o.o. Sarajevo i NV - INVEST d.o.o. Sarajevo.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima kriterijima iz tenderske dokumentacije.

Komisija za javne nabavke imenovana Rješenjem dekana broj: 01-1-969/18 od 25.05.2018. godine, izvršila je javno otvaranje ponuda dana 11.09.2018. godine.

Nakon otvaranja ponude, izvršena je detaljna analiza te je utvrđeno je da su svi ponuđači dostavili prihvatljive ponude, odnosno ponude koje ispunjavaju uslove koji su traženi tenderskom dokumentacijom.

Komisija je utvrdila cijene prihvatljive ponude u skladu sa količinama koje su date u Obrazcu za cijenu ponude i to kako slijedi:

1. NV-INVEST d.o.o. Sarajevo čija cijena ponude iznosi 16.745,00 KM bez PDV-a
2. NORIN d.o.o. Sarajevo čija cijena ponude iznosi 25.986,40 KM bez PDV-a

Članom 66. Zakona o javnim nabavkama BiH („Službeni glasnik BiH“ broj: 39/14) propisano je slijedeće:

(1) Ako ugovorni organ ocjeni da je ponuđena cijena neprirodno niska, u pismenom obliku će od ponuditelja zahtijevati da obrazloži ponuđenu cijenu. Ako ponuditelj ugovornom organu ne ponudi osnovano obrazloženje koje može, među ostalim, sadržavati i usporedbu s cijenama na tržištu, ugovorni organ će odbaciti ponudu.

(2) Ponuditelj je dužan u pisanom obliku dostaviti detaljne informacije o bitnim sastavnim elementima ponude, uključujući elemente cijene, uključujući elemente cijene, odnosno razloge za ponuđenu cijenu. Ugovorni organ razmatra objašnjenja koja se na primjeren način mogu odnositi na:

- a) Ekonomičnost proizvodnog procesa, pruženih usluga ili građevinske metode
- b) Izabrana tehnička rješenja i/ili izuzetno pogodne uslove koje ponuđač ima za dostavu robe ili usluga ili za izvođenije radova
- c) Originalnost robe, usluga ili radova koje je ponuđač ponudio
- d) Usklađenost sa važećim odredbama koje se odnose na radnu zaštitu i uslove rada na mjestu gdje se isporučuje roba, pruža usluga ili izvodi rad
- e) Mogućnost da ponuđač prima državnu pomoć

(3) Ako ugovorni organ utvrdi da je ponuda neprirodno niska zato što ponuđač prima državnu pomoć, ponuda može biti odbacena samo ako ponuđač nije u mogućnosti dokazati, u razumnom roku koji je odredio ugovorni organ, da je državna pomoć dodjeljena u skladu sa važećim zakonom.

Također, članom 17. Stav (7) alineja b) Uputstva za pripremu modela tenderske dokumentacije i ponuda („Službeni glasnik BiH“ broj: 90/14), propisano je da ugovorni organ obavezno od ponuđača traži objašnjenje cijene ponude koju smatra neprirodno niskom u slučaju kada je cijena ponude za više od 20% niža od cijene drugorangirane prihvatljive ponude

Imajući u vidu naprijed navedeno, Komisija za provođenje postupka javne nabavke „Nabavka kancelarijskog i potrošnog materijala, tonera, ketridža i ribona“ uputila je Poziv broj: 01-1-1652-2/18 od 13.09.2018. godine ponuđaču NV-INVEST d.o.o. Sarajevo, za pojašnjenje neprirodno niske cijene za količine navedene u Obrazcu za cijenu ponuda u iznosu od 16.745,00 KM bez PDV-a. Ponuđač NV-INVEST d.o.o. Sarajevo, u roku koji je odredio ugovorni organ, dostavio je dana 20.09.2018. godine, obrazloženje i detaljne informacije o relevantnim elementima ponude, odnosno razloge za ponuđenu cijenu, te ekonomsku opravdanost iste.

**Ponuđač NV - INEST d.o.o. Sarajevo u odgovoru navodi da je firma samostalni poslovni subjekat koji preuzima poslovni rizik i nastoji ostvariti profit u svom radu što je primarni cilj, a sekundarni je kontinuitet poslovanja i razvoj. Firma nekada treba da ima politiku da na nekim poslovima ostvari veći profit, a na nekim poslovima ostvari kontinuitet poslovanja i sa manjim profitom kako bi osvojila određeno tržište. Tržište poznaje razne poslovne politike firme, uključujući i konkurenciju, gdje na osnovu raznih pokazatelja možemo samostalno formirati svoju cijenu. Obzirom da se firma bavi isključivo trgovinom na veliko, bili smo u mogućnosti da vam ponudimo tražene artikle po nabavnoj cijeni sa izuzetno niskom maržom. Politika firme je da ide na tendere i nudi proizvode gdje primjenjuje strategiju aritmetičke sredine, gdje daje pojedine cijene sa niskom maržom, a pojedine cijene sa većom maržom, koje se teže mogu uporediti sa tržišnim, tako da konkurencija ne može otkriti po kojim cijenama nabavljamo pojedine artikle, a u konačnici ukupna vrijednost ponude firmi donosi željeni profit. Isto tako, napominju da se cijene njihove ponude ne mogu uporediti sa cijenama iz maloprodaje, jer se firma bavi poslovima na veliko, a profit se zasniva na kvalitetu i kvantitetu. Firma je išla politikom da ostvari profit, što je primarni cilj firme, i kontinuitet poslovanja, te je na osnovu svog rizika, kalkulacija i statističkih metoda formirala cijenu koje su u prosjeku sa tržišnim cijenama, tako da je ponuda u potpunosti prihvatljiva za ugovorni organ. Na kraju navode da ugovorni organ ima pravo na reklamaciju svih stavki po ponudi koje se nabavljaju, ukoliko smatra da nije dobio odgovarajuću robu, tako da je ugovorni organ na taj način zaštićen.**

Nakon dostavljenog pojašnjenja neprirodno niske ponuđene cijene od strane ponuđača NV-INVEST d.o.o. Sarajevo, te obrazloženih navedenih razloga, Komisija je utvrdila da su dostavljene detaljne

informacije o relevantnim sastavnim elementima ponude uključujući i cijenu odnosno razloge ponuđene cijene te da u ovom slučaju nema validnih razloga za odbacivanje obrazloženja dostavljenog od strane ponuđača NV-INVEST d.o.o. Sarajevo.


Imajući u vidu naprijed navedeno, Komisija za javnu nabavku sačinila je zapisnik o pregledu i ocjeni ponuda dana 25.09.2018. godine, te na osnovu kriterija najniža cijena, dala preporuku dekanu Fakulteta da se ugovor za nabavku „Kancelarijskog i potrošnog materijala, toneri, ketridži, riboni“ dodjeli ponuđaču NV-INVEST d.o.o. Sarajevokoji je dostavio cijenu količine navedene u Obrascu za cijenu ponude u iznosu od 16.745,00 KM bez PDV-a.

Robe će se isporučiti sukcesivno do 31.08.2019. godine po prijemu narudžbenice od strane ugovornog organa.

U postupku donošenja odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

U postupku ocjene provedenog postupka, ugovorni organ nije našao razloge, nepravilnosti niti propusta u radu, koji bi eventualno bili osnov za neprihvatanje preporuke Komisije za javne nabavke.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

  
D e k a n  
*Muhamed Brka*  
Prof. dr Muhamed Brka

**PRAVNA POUKA:**

Protiv ove odluke može se izjaviti žalba u roku od 5 (pet) dana od dana prijema odluke.

**Dostaviti:**

- Norin d.o.o. Sarajevo
- NV-Invest d.o.o. Sarajevo
- Računovodstvo
- Uz tendersku dokumentaciju
- a/a